

# فتاوى الحويني | سؤال وجواب | للشيخ الحويني

أبو إسحاق الحويني

- واعتقد انه يعني باقي حوالي ربع ساعة يعني نتلقى فيها بعض الاتصالات اخوانا المنتظرين على الهاتف نعم السلام عليكم ورحمة الله. وعليكم السلام عليكم يا فضيلة الشيخ. وعليكم السلام ورحمة الله - [00:00:00](#)
- والنبي انا عايز اسأل سيادتكم سؤال متوجهين ومتوجهين للخير يعني. نعم حضرتك تفضل انا عندي بنتي متجوزة واحد يعني زي بتقول مدرس مم. المدرس ده بيتعامل مع بنات بلاغ وجودها - [00:00:19](#)
- وجودها يعني يقول للطلبة عنده ان مش متجوز وحاجة زي كده وبتاع. اه وفوجئنا ان صاحب العمارة اللي هو ساكن فيها ابلغنا ان كان فيه بنت بتخش عنده وطلعوا البنت من عنده - [00:00:39](#)
- العمل معه ايه؟ هل بنتي تكمل معه؟ هل بس ده اللي احنا بنسأل سيادتكم فيه نعم نعم السلام عليكم ورحمة الله طيب حاضر نعم نعم السلام عليكم. السلام عليكم ورحمة الله - [00:00:53](#)
- تفضل وبارك الله فيك شيخ فاضل. الله يحفظك اتفضل. اه والله اني شديد الفرح اني اذكره معكم من تونس الله يحفظك. آآ بحبك في الله. احبك الله خيرا ابشرك بان - [00:01:16](#)
- ارواح قد تبدل كثيرا يعني قد يتحسن حالهم انا طبعا فتحت كثيرا ما بصراحة انا آآ يعني لا اقدر ان اعبر عن شعوري بارك الله فيكم. والسلام عليكم ورحمة الله. عليكم السلام. الصوت غير واضح يا عبد الحميد - [00:01:38](#)
- من عنده طيب هو يعني كان بيتكلم ابشرك يعني عن وضع غزة ولا ايه اه طيب الحمد لله الحمد لله الحمد لله. نعم نعم السلام عليكم ورحمة الله. وعليكم السلام ورحمة الله وبركاته. فضيلة الشيخ آآ ربنا يبارك لنا فيك واسألك آآ الدعاء لي بالزيرة الصالحة - [00:02:21](#)
- والبقاء لله في اخونا الشيخ محمد عمرو عبداللطيف. الحمد لله. وربنا يخلصنا فيك الخير يعني. الله يخليك. وعندي السؤال بالنسبة لطول الامل يعني كيف الواحد يفرق بين طول الامل والطموح - [00:02:43](#)
- يعني الامر اه اه التبس علي شوية فيعني احتاج توضيحه. اه الطموح بالنسبة للعمل بالنسبة لما هو ات يعني. واه واه وازاي ان هو لا يتنافى مع مع اللي حضرتك شرحتة. نعم. وما تنساش يا شيخ ربنا يبارك لك. ادعي لي بالزيرة الصالحة وانا اكون جزاك الله خير - [00:03:00](#)
- نعم السلام عليكم ورحمة الله احبك في الله يا شيخ. احبك الله. جزاك الله خيرا. اه نحب نسألك سؤال بس يا شيخ بالنسبة للطرق الصوفية في مصر. بالنسبة لايه اه اهلينا متمسكين بها واحنا موجودين في السعودية. وايقنا ان هذا الموضوع ليس صحيح. مم. وبنلاقي نفص شديد - [00:03:20](#)
- جدا للاهل فهل لكم من توجيه او كده يعني لدرجة ان احنا يعني بقينا بينا وبينهم شقاق بسبب هذا الموضوع. نعم طيب ماشي. وجزاكم الله خيرا. بارك الله فيك. الله يحفظك - [00:03:49](#)
- نعم نعم السلام عليكم ورحمة الله وبركاته اه كان سؤال في احاديث بسرعة كده حضرتك عايز هل يوجد حديث من راني في المنام فلن يدخل فلن يدخل النار وفي حديث تاني اللي هو اخركم موتا في النار. النبي صلى الله عليه وسلم قرأته في البداية والنهاية. آآ شاف آآ يعني قال لي طبعا من الصحابة والصحابة اخركم موتى في النار - [00:04:05](#)
- اه وكان اخرهم اتين مش فاكر اسم واحد منهم والتاني ابو هريرة رضي الله عنهم. نعم. وبالنسبة للحديث اول جيش يغسل يغزو القسطنطينية مغفور له كان قائد الجيش يزيد بمعاوية حيس برضو صحيح - [00:04:29](#)

في حديث له بتاع النبي صلى الله عليه وسلم يوم القيامة ينظر الى مش عارف ايه المقصود بالصحابة ولا بالاتباع النبي صلى الله عليه وسلم. هم. فان الملائكة تأخذ مع اليمين والشمال - [00:04:40](#)

فيقولون فيقول يا رب امتي فيقول آآ فيقولون يا محمد انك لا تدري ماذا حدثت بعدك. فلازا حديث مقصود به الصحابة والمقصود به الاتباع النبي صلى الله عليه وسلم. وجزاكم الله خيرا. السلام عليكم. نعم. بارك الله فيك - [00:04:50](#)

طيب ماشي ماشي نعم نعم تفضل. السلام عليكم ورحمة الله. السلام عليكم. وعليكم السلام ورحمة الله يا شيخ انا كنت عايز اسأل سؤال حضرتك آآ سؤال والدي آآ بيشتغل في الشركة الشرقية للدخلة - [00:05:04](#)

الشركة الشرقية للدخان. مم فهو يعني هو دلوقتي عدى الخمسين فكنت بس عايز اعرف لو سمحت يعني هو بيقول هي بالاول شركة الشغل يعني في الشركة الشرقية. حرام طيب حاضر - [00:05:24](#)

طيب آآ الاول بالنسبة اخونا اللي سأل اول سؤال فيما يتعلق ان بنته آآ زوجها يعمل مدرسا وآآ بيدي دروس للبنات. البنات البالغات ويعني آآ قال لهن انه غير متزوج - [00:05:41](#)

وصاحب العمارة يعني ابلغه انه يعني انه كان مع بنته والكلام ده يعني. الاول انا باقول له هو طبعا هو قاله في الاول خالص قال والنبي عايز اسأل سؤال احنا بنقول له طبعا انه لا يجوز - [00:06:07](#)

ان يحلف المرء الا بالله تبارك وتعالى آآ فالانسان اذا يعني حلف بغير الله عز وجل فليقل لا اله الا الله اه بالنسبة المسألة دي انا يعني شايف انها ما بتدخلش في باب الفتوى اكثر منها في باب - [00:06:21](#)

اه اه النصيحة او كيف يتعامل مع هذا الرجل عشان كده انا بازن الله الكريم بعد الحلقة يتصل بي على آآ صفر عشرة واحد ستة واحد صفر ثلاثة ثلاثة خمسة - [00:06:39](#)

اه اقدر ايه اخذ يعني بعد الحلقة بس بنصف ساعة كده ولا حاجة اقدر اخذ وادي معه مهدي فتوى ربما تكون دي زلة من الرجل ربما تكون هفوة مسلا ربما يكون فيه معطيات في الموضوع - [00:06:57](#)

انا لو عرفت القصة كلها ممكن اعرف اذا كان هذا الرجل يعني آآ لا يعاشر ام لا. لكن هو اعطاؤه على اي حال. دروسا للبنات البالغات لا يجوز وانا بقول لاي آآ مدرس - [00:07:12](#)

لا يحل لك ان تعطي دروسا للبنات البالغات وهذا من اعظم آآ مواقع الفتن وانا عندي اشياء لا استجيز ان اذكرها. ليه؟ لانها يعني رهيبة وعظيمة وبقول برضو لاولياء الامور - [00:07:26](#)

اللي هم الجماعة اللي هم متصورين ان حصول البنت على الشهادة يساوي دخول الجنة واحنا عارفين القصة كلها بقت ورق ما لهاش قيمة ليس لها قيمة. لا للرجال ولا للنساء معا - [00:07:45](#)

كان زمان اه بيحصل نوع من التنافس لان فيه وظيفة حد بينتظر. لكن دلوقتي كلنا بنطلع نقعد على حصيرة الصيف يعني المدارس الان بقت ايه ارحام تدفع حتى الغش بقى شبه رسمي - [00:07:58](#)

ودلوقتي كله ما فيش حاجة فيه تعليمات ان ما فيش حد يسقط. لان هيسقط ليه؟ هنقعده ليه؟ يقعد يشغل المكان ده ليه؟ يغور يروح بقى يتخرج ولا يروح يقعد على الرصيف ولا بتاع - [00:08:11](#)

لكن كان زمان اه لابد من التدقيق والبتاع والكلام دوت العملية التعليمية كلها عملية فاشلة. والقاصي والداني يعرف هذا الكلام عايز اقول لما يكون رجل يسمح لابنتي انا شفت بنات - [00:08:23](#)

في صلاة الفجر صلاة الفجر ماشيين في الشارع لوحدهم انا مرة سألت بنت يعني آآ اتناشر سنة آآ او تلتاشر سنة قلت لها يا بنتي انت رايحة فين؟ قالت رايحة اخذ درس جغرافي - [00:08:37](#)

الجغرافيا الكاملة من خمستاشر سنة كده درس جغرافيا تنزل الفجر عشان تروح درس جغرافيا نوع من الغفلة الشديدة يسمح للبنات انها تروح عشان تاخذ عنده استاذ والكلام ده ولما تقع الواقعة الولد يخطفها ولا تتعرف على مش عارف مين ده بيتدي ايه يندب حظه العائر - [00:08:51](#)

كل هذه الظواهر دي ظواهر مرضية وهي من المعاصي البينة لا سيما ان ما فيش مدرس بيشرح من وراء حجاب كله لازم يكون كلهم قدام. حتى لو كانت البنت منتقبة كمان - [00:09:14](#)

لان البنت مش عميةا والبنت يعني مش مش صديقة يعني شيطان شياطين والكلام داهوت هو مش شايفها لكن هو لا هي شايفاه بكل اسف مآسي يعني نسأل الله عز وجل ان يرد المسلمين الى دينهم - [00:09:30](#)

ردا جميلا. الاخ اللي بيسأل عن الفرق بين الامل والطموح دا الكلام دا لسة جاي احنا برضو مش معنى ان بنقول لك لا امل انك انت آآ تقعد بقى تندب حظك. لأ هو لولا الامل لبطل العمل. يعني الانسان لولا ان عنده امل في شيه ما لا توقفت الدنيا - [00:09:45](#)

احنا الكلام ده برضو اللي فيه فروق دقيقة يعني في المسألة دي ان شاء الله نستوفيه في آآ مكانها الاخ اللي بيتصل بيقول يعني ان اهلينا يعني اه بتبع اه من الطرق الصوفية والكلام ده واحنا عرفنا بقى السنة والكلام ده ففى مشاكل بينهم وبين - [00:10:04](#)

اهاليهم. انا بقول لك يا اخي الكريم اه اعذر هؤلاء بمعنى انهم لا يعرفون الحق لم يجدوا من يدلهم على الحق وبعدين كثير من شبابنا يبقى عنده نوع من الاندفاع - [00:10:21](#)

اللي سببه الغيرة على السنة فيقوم لا يراعي ظروف الناس ولا يراعي ان ده راجل كبير ولا ان له منصب في قومه ولا ولا الى اخره فيببتي ينكر عليه - [00:10:39](#)

فالاب او الخال او الجد او العمة او الكلام ده لا يتحمل انكار الولد وبيعتبره قلة ادب وان الولد من يوم ما التزم بقى قليل الادب هيحصل نوع من الارتباط ما بين اللحية وقلة الادب - [00:10:51](#)

ودي طبعا مشكلة احد اسبابها الهامة هذا الاندفاع اللي سببه الايه؟ الغيرة على السنة آآ انما الانسان اذا يعني ترفق معروف كما قال القائل ليس هناك حمل اثقل من البر - [00:11:04](#)

من برك فقد اوثقت ومن جفاك فقد اطلقك وانا لا انسى ان في مرة من المرات زمان من حوالي عشرين سنة كده آآ كان في آآ شاب بيحضر آآ عندي في آآ شرح كتاب رياض الصالحين - [00:11:22](#)

وكان اياميه كنا في اخر شعبان وعلى مشارف رمضان انا كنت انبه على البدع اللي بتكون في رمضان اه فذكرت منها قراءة قل هو الله احد بين الايه؟ بين ركعتي القيامة - [00:11:41](#)

وفي في شاب بقى كان دايم موازب آآ قدامي على طول لا يتخلف ابداء عن الجمعة وما كنتش عارف قصته خالص. شاب من ضمن الشباب لحد ما تاني اسبوع لقيت الشاب ده عمل مشكلة مع والده اثارى بقى والده ده كان رجلا آآ قطبا - [00:11:57](#)

او وتدا بطريقة صوفية كما يقال وكان بيهياً ابنه انه ياخذ الخلافة بعده الولد طلع من طوعه يعني وبدأ يحضر عندنا والكلام ده فكانت تحصل مناقشات اه بينهم بعد ما سمع مني ان ده بدعة والكلام دهوت - [00:12:20](#)

راح لوالده وحصل بينهم نقاش وعنف والكلام ده فهو ابوه قال له انا لازم اجي علشان اعرفك ان شيخك ده ما بي فهمش وعلى رؤوس الاشهاد وهتكلم وهقول انا عرفت الكلام ده قبل طبعا بعد ما وقعت الواقعة يعني - [00:12:39](#)

فانا قاعد في الدرس بتكلم نهاية الدرس رفع ايده وقام واقف قال يا عم الشيخ انت بتقول لابني ان قراءة قل هو الله احد بدعة الكلام ده صحيح قلت له قراءة قل هو الله احد - [00:12:57](#)

بين ركعات القيام بدعة صرخ بقى قال يعني لما اقرا قل هو الله احد ابقى مبتدع اللي هي تلت القرآن قلت له لأ انا قلت لك قراءة قل هو الله احد - [00:13:19](#)

بين ركعات القيام بدعة فانا عايزك دلوقتي تفهمني. هسألك ثلاث اسئلة وتجاوب علي السؤال الاول هل النبي صلى الله عليه وسلم فاته شيه من الخير قال لي لأ قلت له طيب السؤال الثاني - [00:13:39](#)

هل قصر في البلاغ حاجة كتمها يعني ما قالها نيش ولا الا لما مات عليه الصلاة والسلام كان الدين تم وكملت النعمة قال لي لأ ما قصرش قلت له السؤال الثالث بقى - [00:14:03](#)

هل فعلها النبي عليه الصلاة والسلام وقف قلت له ما انت يلزمك احد اميرين لو قلت فعلها هقول لك كما قال اهل العلم ان كنت مدعيا

الدليل لازم تقول لي انت قلت فعلها جبتها منين - [00:14:17](#)

ان قلت لي لم يفعلها ارجع للسؤالين الاولانيين. لم يفعلها اذا فاته شيء من الخير انت بتستدرك عليه يقصر في البلاغ ولا بد ان يلزمك هذا الايه؟ هذا الكلام فسكت شوية كده - [00:14:41](#)

وقال لي يعني انت عايز تقنعني ان انا بقالي ستين سنة مغفل انا ما اقدرش اقول له ايوا انت مغفل ليه هذا سيجعله ينفر الادعاء على رؤوس الاشهاد معروف ان وجود الناس - [00:15:05](#)

بيخلي الانسان يركب حظ نفسه حتى لو كان رجلا فاضلا ولذلك قال الله عز وجل لقريش لما زعمت ان النبي صلى الله عليه وسلم لم يرسل اليهم قال قل انما اعظكم بواحدة - [00:15:23](#)

ان تقوموا لله مثنى وفرادى مش ثلاثة مثنى وفرادى ثم تتفكروا ما بصاحبكم من جنة ليس بمجنون فقال انتم عايزين آآ قوموا فرادى. الانسان اذا كان فردا ممكن يقعد يتأمل - [00:15:43](#)

وازاي مجنون ازاي ازاي كله ده انسان عاقل وكلنا كنا بنشهد له بالعقل جا له الجنان منين؟ يعني وممكن يصل اتنين ممكن يتنازروا ما فيش حد هيغلب حد ما هو ما فيش حد شايفني. انا هغلبه ليه - [00:16:03](#)

او ببقى حريص اني اغلبه ليه؟ عشان الطرف التالت اللي قاعد هيطلع ينقل ويقولوا انه غلبه انه انتصر عليه والكلام ده طالما فيه اتنين ممكن الحق اطلع في واحد ممكن الحق يطلع - [00:16:22](#)

ثلاثة فصاعدا دخلنا بقى في القصة ياه اللي احنا بنتكلم فيها فما ينفعش لما يقول لي يعني انا بقى لي ستين سنة مغفل ما اقدرش اقول له ايوة لك ستين سنة يا مغفل ايه اشكالك انك تبقى مغفل يعني - [00:16:37](#)

لكن قلت له ان الانسان ممكن يظل فترة طويلة من دهره لا يعلم ثم يعلم ايه الاشكال لو الانسان اوتي علم كل شيء لما الانسان بيتعلم كل ما تمر به الايام بيتعلم - [00:16:51](#)

يتعلم شيئا اليوم ما كان يعلمه امس نتعلم في الغد مكان جهله اليوم وليس عيبا انما العيب ان يصير المرء على جهله قلت كلام بهذا المعنى. انا مش حافظ طبعا الكلام اللي انا قلته لان الايه؟ الحوار استمر بينا في حدود خمس دقائق - [00:17:10](#)

آآ الرجل المهم طلع مكسور وطبعا غير راضي مع ان انا ترفقت به جدا وحاولت ان انا ما استخدمش الالفاظ القاسية حتى لا ابعده عن الحق انا عايز اقول اه بالنسبة لاخوانا - [00:17:30](#)

الذين ذاقوا طعم السنة ويروا آآ اهليهم آآ ما زالوا في هذه الخرافات وما زالوا وما زال بعضهم يتوسل به الاضحية والكلام دوت ان هو يعني فليكن سفيرا جيدا لدينه. ويحاول ان يترفق مع هؤلاء لا سيما ان كانوا اصحاب - [00:17:44](#)

مناصب واصحاب عزوة وكما يعني قلت ليس هناك حمل اقل من البر من برك فقد اوثقك ومن جفاك فقد اطلقك اول ما تقع فيه هيقع فيك. خلاص صار حرا طليقا يفعل بك ما يريد - [00:18:06](#)

ويقول فيك ما يشاء ما هو ما عدش حشمة لكن انت اول ما تستخدم يعني اخلاق الحميدة بتصل على طول اقصر طريق اقصر طريق الى قلوب الناس الاحسان اليه والتغاضي عن زلاتهم لا سيما - [00:18:28](#)

اذا لم يكن تحت ذلك كبر انما كان المقام طبعا طويل الكلام فيه طويل لكن هذه وصية انا اوصي يعني صاحبنا بها اه اخيرا الاخ بقى اللي هو بيقول بقى حديث من رأي في المنام فلا يدخل النار وحديث اخركم موتا في النار - [00:18:48](#)

الأتين دول كلاهما ضعيف لا يصح كان اخركم موتى في النار ضعيف جدا ومران في المنام فلا يدخل النار هذا ايضا لا يصح اول جيش يغزف قسطنطينية حديث جيد وحديث انك لا تدري ما احدثوا بعدك هذا ليس - [00:19:10](#)

اه مقصودا به الصحابة عند اه اهل العلم. انما صاحب يطلق ليس على الصحبة المباشرة انما يطلق على من انتهج نفس النهج. ولزلك تلاقي اصحاب العلماء المذاهب المتأخرون يقول لك ايه؟ وقال اصحابنا الشافعية - [00:19:30](#)

وقال الشافعي يقول وقال صاحبنا الربيع او المزني او البويطي مثلا الحنفية قال صاحبنا ابو يوسف او صاحبنا محمد بن حسن الشيباني او قال صاحبنا سحنون للمالكي او عبدالوهاب مثلا - [00:19:51](#)

الى اخره. يعني عايز اقول انا ببقى متأخر اهوت في الزمان ممكن اقول وقال به من اصحابنا مثلا لو انا شافعي المذهب يقول وقال به من من اصحابنا فلان وفلان وفلان - [00:20:09](#)

برغم ان انا بيني وبين هذا الذي اعزب اليه الكلام بيني وبينه بون شاسع ويعني اه سنوات طويلة. فالمقصود يقول اصحابي اصحاب اي من سلخوا طريقتي وسلخوا آآ نفس النهج فيقول انك لا تدري ما احدثوا بعدك. اسأل الله تبارك وتعالى ان - [00:20:24](#)

على قلوبنا حتى نلقاه وان يقبضنا على الكتاب والسنة. وان يجعل اسعد ايامنا يوم لقائه تبارك وتعالى والله سبحانه وتعالى اسأل ان يجعل ما قلته لكم وما سمعتموه مني زادا الى حسن المصير اليه - [00:20:44](#)

واعتادا الى يمن القدوم عليه انه بكل جميل كفيلا وهو حسنا ونعم الوكيل. صلى الله وسلم وبارك على نبينا محمد. والحمد لله رب العالمين - [00:21:05](#)